

SCRIPT OF MORNING GOJRI NEWS BULLETIN 14NOV 2025 1015HRS

مارنگ گوجری نیوز بولٹن 14 نومبر 2025

یوہ آکاشوانی جموں ہے عبدالرحمان تیں خبر سٹو۔

CM BDA

وزیر اعلیٰ عمر عبداللہ غے زیر صدارت سیول سیکرٹریٹ مانہہ جموں ترقیاتی اتھارٹی گا بورڈ آف ڈائریکٹر غے 90 ویں میٹنگ گو انعقاد ہو۔ میٹنگ مانہہ کئی اہم نکات ور غور کیوگیو جن مانہہ مالی سال 2024-25 غا نظر ثانی شدہ تخمینہ تے مالی سال 2025-26 غے بجٹ تجاویز شامل تھیں وزیر اعلیٰ نے محتاط مالی انتظام تے بروقت منصوبہ جاتی عمل درآمد غے اہمیت ور زور دینا وان جموں مانہہ شہری بُنیادی ٹہانچہ تے عوامی سہولیات غے ترقی غے ضرورت نانہہ اُجاگر کیو بورڈ نے وسائل غا موثر استعمال غے ذریعے منصوبہ بند شہری ترقی تے پائیداد ترقی غا حصول ور بحث کی تانجے جاری تے مستقبل غا منصوباں غا موثر نفاذ نانہہ یقینی بنایو جاسکے۔

VOTE COUNTING

نگروٹہ تے بڈگام حلقاں مانہہ ووٹاں غے گنتی اج سویرے شروع ہو گئی ہے نگرہٹی اسمبلی سیٹ واسطے گنتی غو عمل گورنمنٹ پالٹیکنیک کالج مانہہ تمام انتظامات غے سنگ جاری ہے اس حلقہ مانہہ 74 فی صد تیں زیادہ شاندار پولنگ ہوئی تھی جت ضمنی چناؤ مانہہ 10 اُمیدوار مقابلہ مانہہ ہیں بڈگام حلقہ مانہہ وی 17 اُمیدوار ان غے بشکار سخت مقابلو دیکھیو گیو حالانکہ ات اس بار پولنگ غو تناسب پچھلے سال غے 52.27 فی صد پولنگ تیں کُج کھٹ رہیو نتایج تے رُجحانات ووٹاں غے گنتی غے سنگ باندے آن غے توقع ہے۔

SOPORE HYBRID TERRORIST

جموں کشمیر پولیس نے حفاظتی دستاں غے سنگ ایک سانجھی کاروائی غے دوران مومینا آباد سوپور مانہہ 2 مقامی سرگرم دہشت گرداں نانہہ گرفتار کیو ہے کشمیر زون پولیس غے طرفوں سماجی ذرائع ابلاغ ایکس ور سانجھی کی گئی پوسٹ غے مطابق گرفتار افراد غے پشان تنبیر نجاد تے شبیر میر غا طورور ہوئی ہے پولیس نے ان غا قبضہ تیں قابل اعتراض مواد اسلحو تے گولی بارود وی برآمد کیو ہے کاروائی مخصوص خفیہ اطلاعات غے بُنیاد ور کی گئی تے مزید تفتیش اُن غے سرگرمیاں تے ممکنہ روابطہ غو پتو لان بارے جاری ہے جوں ہی تفتیش اگے بدھے گی مزید تازہ کاری متوقع ہے۔

VANDE MATRAM VAL FUNCTION

حکومت ہند غے وزارت ثقافت تے محکمہ ثقافت جموں کشمیر غے طرفوں محکمہ سکولی تعلیم غا اشتراق سنگ اج جموں غا مولانا آزاد سٹیڈیم مانہہ وندے ماترم غا 150 سال مکمل ہون غا موقع ور اختتامی تقریب غو انعقاد کیو جارہیو ہے لیفٹیننٹ گورنر منوج سنہا اس تقریب مانہہ بطور مہمان خصوصی شرکت کریں غا۔ شہریاں نانہہ دعوت دتی گئی ہے جے وے ان تقریبات مانہہ شامل وین جن غو مقصد اتحاد خُب الوطنی تے قومی فخر گا جزیہ نانہہ خراج تحسین پیش کرنو ہے۔ جہڑو اس علامتی قومی گیت غے مستقل وراثت غے عکاسی کرے۔

SPORTS MIDNIGHT MARATHON

کھیڈاں گا وزیر ستیش شرما نے کل تیجی جموں میڈ نائٹ میراتھون واسطے سرکاری جرسی غے رونمائی کی یاہ مہرا تھون 15 نومبر 2025 نانہہ مولانا آزاد سٹیڈیم مانہہ مقرر ہے وزیر موصوف نے منتظمین غے تعریف کرتا وان صحت مندی نوجواناں غے شمولیت تے کمیونٹی ایکٹا گا فروغ مانہہ میراتھون غا کردار نانہہ اُجاگر کیو یاہ تقریب جموں کشمیر کھیڈ کونسل غے طرفوں ریل ٹائم سپورٹس گا تعاون سنگ منعقد کی جارہی ہے جس مانہہ بکھ بکھ سطحان واسطے متعدد دوڑاں غا ازمرہ شامل ہیں میراتھون شہر غا اہم رستاں تیں گزرتاں وان محفوظ تے پُرس کون ماحول مانہہ منعقد وے گی اس

بارے رجسٹریشن سرکاری انسٹا گرام ہینڈل یا فراہم کردہ نمبرات 9596798743 سے 7006095269 اور کھلی ہے۔

NSG TACKWONDO

بے حد فخر گا لمحہ ماہہ جموں کشمیر نے 69 ویں قومی سکول کھیڈاں کا مقابلہ ماہہ 19 براں تیں کھٹ عمر غا لکاں آلی تائیک ونڈو چیمپینشپ ماہہ مجموعی چیمپین شپ غو خطاب جیت غے تاریخ رقم کی ہے یہ مقابلہ جموں گا بھگوتی نگر علاقہ ماہہ واقع انڈور کھیڈ کمپلیکس ماہہ منعقد ہوو جموں کشمیر غا دستہ نے شاندار کارکردگی غو مظاہرہ کیو تے مجموعی طور پر 8 تمغی 2 سونہ 2 چاندی تے 4 کانسہ غا جیت غے 36 پونٹس غے سنگ رنزاپ یعنی کہ دوجی پوزیشن حاصل کی جد کہ کیندر ویدلیہ سنگتھن نے 2 سونا غا تمغہ تے 14 پونٹیاں سنگ تیجو مقام حاصل کیو۔

PROG ANNOUNCEMENT

آکاشوانی جموں گو علاقائی خبراں آلو یونٹ ایک خصوصی مباحثہ ور پروگرام پیش کرے غو جہیزو 30 منٹاں غو وے غو اس پروگرام غو موضوع وے غو شوگر غی بیماری اس غی وجوہات علامت تے بچاؤ غا طریقہ یوہ پروگرام ولڈ ڈیابٹیز ڈے غا حصہ غا طور پر 14 نومبر 2025 ناہہ تہاڑی گا 2:30 بجے نشر کیو جے غو پروگرام ماہہ مارا مہمان ویں غا، ڈاکٹر سومن کوتوال جہڑا گورنمنٹ میڈیکل کالج جموں ماہہ اندوکرانٹولوجی شعبہ غا سربراہ ہیں تے وہ اس موضوع ور اپنی قیمتی رائے تے اپنا ماہرانہ خیالات پیش کریں غا۔ پروگرام غی میزبانی کریں گا، مارا انکر وجے بجاج سامعین یوہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سن سکیں غا۔
